



Broj: 01,02,03,03/11-05-1-427/17

Sarajevo: 11. 4. 2017.

KOLEGIJU PREDSTAVNIČKOG DOMA PSBiH

KOLEGIJU DOMA NARODA PSBiH

KOLEGIJU SEKRETARIJATA PSBiH

KOMISIJI ZA VANJSKE POSLOVE PREDSTAVNIČKOG DOMA PSBiH

KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I
KOMUNIKACIJE DOMA NARODA PSBiH

SEKTORU ZA ODNOS E S JAVNOŠĆU PSBiH

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
SARAJEVO

13.05.2017

PRIMLJENO:		Broj priloga	
Organizaciona jedinica	Klasifikacija	Broj	

B

**Predmet: Izvještaj s 15. konferencije predsjednika parlamenata zemalja
Jadransko – jonske inicijative, Ioannina, 6. i 7. april 2017.**

U okviru grčkog predsjedavanja Jadransko-jonskom inicijativom, u Ioannini, 7. 4. 2017. organizirana je 15. konferencija predsjednika parlamenata Jadransko-jonske inicijative. Na konferenciji su učestvovali predstavnici parlamenata Grčke, Republike Italije, Republike Slovenije, Republike Hrvatske, Republike Albanije, Srbije, Crne Gore te Bosne i Hercegovine. Delegaciju Parlamentarne skupštine BiH predvodio je predsjedavajući Predstavničkog doma Šefik Džaferović.

Na početku inauguralne sesije, učesnicima su se pozdravnim govorima obratili predstavnici zemlje domaćina: Anastasios Kourakis potpredsjednik Parlamenta Grčke, Panagiotis Kouroumplis, ministar pomorstva i otopine, George Stathakis, ministar okoliša i energetike, i Dimitrios Gakis, predsjedavajući Posebne stalne komisije za regije.

Potpredsjednik Parlamenta Grčke istakao je zadovoljstvo uspješnom organizacijom ovogodišnje sesije i zahvalio se prisutnima na dolasku. Poseban akcenat dao je na Plavi rast mora koji treba imati glavnu ulogu kad je riječ o održivom razvoju, te potrebu rješavanja izazova zajedničkim djelovanjem svih članica Jadransko – jonske inicijative.

Ambasador Fabio Pigliapoco, generalni sekretar Jadransko-jonske inicijative, pozdravljajući prisutne, upoznao je prisutne o predstojećem sastanku EUSAIR-a u maju na kojem će se raspravljati o ostvarenim rezultatima uz pripremni izvještaj o svim parlamentima, te usvojiti deklaracija o prioritetima za vrijeme grčkog predsjedavanja.

Ministar okoliša i energetike George Stathakis istakao je ulogu dužine grčke obale od 16.000 km, zahvaljujući kojoj plavi rast obezbjeđuje 5,4 miliona radnih mjesta koje donose 500 milijardi eura.

Uz pozdravljanje prisutnih Nikolaos Voutsis, predsjednik Parlamenta Grčke, naglasio je da makroregion ima bogate resurse koje treba unapređivati i razvijati.

Rad Konferencije bio je organiziran u dvije sesije.

Prva sesija imala je temu: „Plavi rast u Jadransko-jonskoj makroregiji: potrebe i mogućnosti“, a druga sesija obuhvatila je temu: „Značaj parlamentarne dimenzije Jadransko-jonske inicijative“.

Predsjedavajući Predstavničkog doma PSBiH Šefik Džaferović je u svom izlaganju istakao kvalitet Strategije plavog rasta koja stvara vrlo dobre osnove da se sve učesnice programa - države članice regije i poslovni sektor fokusiraju prije svega na područja koja potencijalno nude najveće mogućnosti. Izvjesno je već da ta potencijalna područja „plavog rasta“ obuhvataju obalni turizam, sektor kružnih putovanja, obnovljivu energiju iz okeana kao i podmorsko rudarstvo u kojem bi u sljedećih deset godina promet na svjetskom nivou mogao višestruko porasti. Strategija pruža dragocjenu priliku za buduće članice i kandidate EU da, radeći na kvalitetnim projektima zajedno s članicama EU, doprinose integraciji Zapadnog Balkana u Evropsku uniju. Ovo je prva velika EU makroregionalna strategija s tako velikim udjelom zemalja koje nisu članice EU, a to su Albanija, Bosna i Hercegovina, Crna Gora i Srbija. Na kraju obraćanja naglasio je da je nužno, da bi se potaknuo razvoj plavih tehnologija u regiji, što više razmjenjivati znanja i iskustva, i u takvom procesu razvijati makroregionalna istraživanja i razvoj te inovacijske platforme u područjima kao što su zelena mobilnost na moru, dubokomorski izvori, biosigurnost i biotehnologije.

Predsjednik Parlamenta Crne Gore Ivan Brajović potvrdio je da parlamenti nude širok spektar mogućnosti u rješavanju vrlo važnih pitanja.

Zamjenica predsjedavajućeg Parlamenta Albanije Valentina Leskaj osvrnula se na značaj privrednog rasta koji je temelj za održanje političke stabilnosti, te da jaku povezanost čini Plavi koridor kao i proširenje kroz Republiku Albaniju, Crnu Goru i Bosnu i Hercegovinu.

Šef hrvatske delegacije Milijan Brkić, zamjenik predsjednika Hrvatskog sabora, ukazao je na to da Hrvatska nastavlja podržavati politiku proširenja kao jednu od najznačajnijih politika EU, ali na osnovu individualnih predlagrača.

U svom izlaganju Veroljub Arsić, zamjenik predsjednika Narodne skupštine Republike Srbije, istakao je da Srbija za članstvo u EU ima za cilj jačanje u svim oblastima, naglašavajući da je uloga parlamenata veoma značajna.

Nakon navedenih učesnika, u ime Parlamenta Republike Slovenije, obratila se ambasadorica Anita Pipan ističući značaj konferencije koja će dati podsticaj jake saradnje između zemalja učesnica Jadransko-jonske inicijative. Naglasila je da grupe prijateljstva, uz podršku parlamenata, treba da budu aktivnije. Saradnja između vlada treba da bude jedan od stubova

Jadransko-jonske inicijative, kao i korištenje strukturnih fondova i resursa EU u projektu razvoja.

Tamara Blazina, članica Predstavničkog doma Parlamenta Republike Italije, istakla je da je cilj Jadransko-jonske inicijative da parlamenti formiraju *ad hoc* delegacije radi što boljeg praćenja rada Jadransko-jonske inicijative i razvoja EUSAIR-a. Također, u svom obraćanju Lodovico Sonogo, senator, i šef delegacije Italije u CEI-I, naglasio je da se promovira politika saradnje, mira i sigurnosti između zemalja regiona.

Nakon završetka konferencije usvojena je zajednička izjava. Predsjednici i potpredsjednici parlamenata članica Jadransko-jonske inicijative (JJI) zajedničkom izjavom pozdravili su predstojeći 2. forum EUSAIR-a koji će biti održan u Ioannini, u Grčkoj, 11. i 12.5.2017., a tokom kojeg će biti održan i zajednički ministarski sastanak EUSAIR-a i JJI-ja.

U izjavi usvojenoj na 15. konferenciji predsjednika parlamenata Jadransko-jonske inicijative u Ioannini ističe se zahvalnost Grčkoj na konstruktivnom i produktivnom predsjedavanju Jadransko-jonskom inicijativom i kopredsjedavanju Upravnim odborom EUSAIR-a.

Na kraju, zahvaljujući se učesnicima Konferencije, predsjednik grčkog parlamenta srdačno je čestitao delegaciji Parlamenta Republike Italije na predstojećem preuzimanju predsjedavanja Jadransko-jonskom inicijativom od 1. 6. 2018.

Bilateralni kontakti:

Na marginama 15. konferencije predsjednika parlamenata zemalja članica Jadransko-jonske inicijative, predsjedavajući Predstavničkog doma Parlamentarne skupštine BiH Šefik Džaferović održao je bilateralni sastanak s predsjednikom Skupštine Crne Gore Ivanom Brajovićem.

Konstatirano je da su politički odnosi BiH i Crne Gore na vrlo visokom nivou i da su uspostavljene vrlo dobre veze i na političkom, ekonomskom i kulturnom planu, ali je kao velika prepreka za još snažnije povezivanje građana BiH i Crne Gore navedena slaba infrastrukturna povezanost. Pri tome su naročito potencirane cestovne veze dvije zemlje te je ocijenjeno da na njihovoj rekonstrukciji treba početi intenzivnije raditi. Izraženo je zadovoljstvo činjenicom da je saradnja dva parlamenta veoma dobra. Predsjedavajući Predstavničkog doma Parlamentarne skupštine BiH Šefik Džaferović ponovio je ranije upućeni poziv predsjedniku Skupštine Crne Gore Ivanu Brajoviću da sa saradnicima što prije zvanično posjeti Bosnu i Hercegovinu.

Prilikom susreta predsjedavajućeg Predstavničkog doma Parlamentarne skupštine BiH Šefika Džaferovića i zamjenika predsjednika Hrvatskog sabora Milijana Brkića ocijenjeno je da su odnosi između Bosne i Hercegovine i Republike Hrvatske vrlo dobri, kako na političkom,

ekonomskom, te kulturnom planu, a da će se o otvorenim pitanjima na najavljenoj zajedničkoj sjednici aktivnije baviti vlade dvije prijateljske države.

Tokom razgovora pozdravljena je inicijativa za unapređenje međuparlamentarne saradnje te pozitivno ocijenjeno hrvatsko podržavanje puta Bosne i Hercegovine ka članstvu u Evropskoj uniji kao i nastojanja Bosne i Hercegovine da postane članica NATO-a.


Predsjedavajući Predstavničkog doma Šefik Džaferović istakao je da je budućnost cijelog regiona jugoistočne Evrope a posebno zemalja bivše Jugoslavije u EU i NATO-u, jer to doprinosi široj stabilizaciji stanja i zajedničkom napretku.

Konferenciji su, uz predsjedavajućeg Šefika Džaferovića, iz Parlamentarne skupštine BiH prisustvovali i: Jasmin Beganović, savjetnik predsjedavajućeg Predstavničkog doma PSBiH, Zlatko Vukmirović, rukovodilac Sektora za odnose s javnošću PSBiH, Dubravka Ištuk-Pavlović, prevoditeljica u Sektoru za međunarodne odnose i protokol, i Enida Mehmedovski iz Sektora za međunarodne odnose i protokol PSBiH.

Izveštaj sastavila:

Enida Mehmedovski


Sektor
za međunarodne odnose i protokol



Izveštaj odobrio

Šefik Džaferović

Predsjedavajući
Predstavničkog doma PSBiH



Dostaviti:

- naslovu
- Sektoru za međunarodne odnose i protokol